

Te Whakahoutanga Motokā

mō te hunga whai hauātanga ahakoa te pakeke



Ngā Ratonga mō ngā Utauta me ngā Whakahoutanga

He mea uaua mōu te ekenga motokā, te putanga rānei? Ki te pīrangi whakahoutanga koe ki tētahi motokā e taea e koe te haereere haere i te hapori tērā pea e āhei te Manatū Hauora te āwhina.

Ko wai mā e whiwhi ki te whakahoutanga motokā?

Mēnā he kainoho koe nō Aotearoa e noho ana ki Aotearoa, ā he hauātanga wā roa tōu kāore i te tiakina e te ACC, tērā koe e āhei pea te whiwhi ki te pūtea āwhina.

Kei te wātea mai he pūtea mō ngā whakahoutanga motokā, otirā, mō ētahi tāngata torutoru, he pūtea hei hoko i tētahi motokā kia whakahoutia. Ko te wāteatanga o tēnei pūtea āwhina hoko motokā kei runga tonu i tō āhuatanga taha moni, kei runga anō i ngā āhuatanga whānui noa e pīrangi ai koe ki te motokā pēnei.

Kia pēhea ngā whakahoutanga motokā e riro i a au?

Mā tētahi kaiwhakaora ā-mahi ō hiahia e aromātai, māna hoki e tautuhi he aha ngā whakahoutanga ki tētahi motokā ka hiahiatia hei tautoko i a koe ki te mahi, ki te ako rānei, ki te tiaki rānei i tētahi tangata pararau. Kia mōhio me pēhea tētahi aromātaaitanga e whakaritea me tētahi kaiwhakaora ā-mahi i tō rohe, waea mai ki Enable Information 0800 17 1981.

Mā te kaiwhakaora ā-mahi koe e ako ki te mea e tau ana koe kia whiwhi pūtea āwhina i te Manatū Hauora mō te whakahoutanga motokā, te hokonga motokā hoki/rānei. Ki te mea e tau ana koe māna e tono pūtea mōu i a Accessable (ki te noho koe ki Tāmaki-makau-rau, ki Te Taitokerau rānei), i a Enable New Zealand (Aotearoa whānui). Māna anō koe e ako pea ki ētahi atu mātāpuna pūtea, ki ngā kōwhiringa rānei tērā e āhei e koe tonu te hoko, te huri rānei.

Kia mōhio tonu:

Me tiro hoki ērā atu kōwhiringa, pēra i ngā waka pāhīhī tūmatanui, ngā takihī tūroro, me te tono pūtea i ētahi atu rōpū whakahaere (arā, Te Poari Pūtea Rōtō). Mā te kaiwhakaora ā-mahi koe e āwhina ki te tiroiro i ēnei kōwhiringa.

Ngā momo whakahoutanga

Mā tētahi kaiwhakaora ā-mahi koe e āwhina kia kite he aha te tikanga pai rawa mōu hei haereere i te hāpori, tae ki te taraiwa i te motokā whakahou, te noho pāhīhī i tētahi motokā whakahou, tētahi atu rānei.

- Ki te mea ko koe ka taraiwa i te motokā, ka aromātaitia ō mateā hauātanga, tō mōhio ki te taraiwa, tō māia rānei ki te ako ki te taraiwa. Tērā e whakahautia he whakahaere ā-ringa, he tūru, he rōnaki, he hiki rānei, me ētahi tikanga haumaruru hei kawē i tō tūru whai wīra.



- Ki te mea e tiaki ana koe i tētahi tamaiti whai hauātanga e noho tahi ana ki a koe, ka aromātaitia ōna mateā pāhīhī e pā ana ki tōna haumarutanga. Kei roto pea i ēnei he tūru, he here whakamaru, he rōnaki, he hiki, he tikanga haumaruru hoki hei kawē i te tūru whai wīra.



He aha oti te mahi a Accessable me Enable New Zealand?

Ko Accessable me Enable New Zealand ngā ratonga e whiwhi ana i ngā tono a ngā kaiwhakaora ā-mahi. Ka āta tirohia e rātou ngā tono kia tiaki kua whakaarohia e te kaiaromātai ngā kōwhiringa tautoko, ikiiki, utauta katoa hoki e wātea ana. Ka pēnei hoki kia tika mōu, kia whai take anō te motokā, ngā whakahoutanga motokā rānei i whiwhi pūtea ai koe.

Ki te whakaaetia tō tono ka taea tō motokā te whakahou, tētahi mea hou te hoko rānei ina puta mai te moni. Hei muri tata pea tēnei o te whakaaetanga pūtea, ka roa ake rānei ina kaikā kē atu te take o ētahi atu. Mā te kaiwhakaora ā-mahi koe e kōrero mō tēnei tukanga.



For more information contact:

Accessable (Tāmaki-makau-rau/Te Taitokerau)

Waea: 0508 001 002

Waea Whakaahua: 09 620 1702

www.accessable.co.nz

Enable New Zealand (Aotearoa whānui)

Waea: 0800 17 1981

Waea Whakaahua: 06 353 5876

www.disabilityfunding.co.nz